

Ժողովուրդ

54
(2904)

17 ապրիլի չորեքշաբթի 2024
տպագրության ԺԳ տարի

Թ. Երևան, Արվյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ԱՌՈՂՎՈՐԴՆԵՐ ԴԱՐՏԱԴԻՐ ԱՊԱՐՈՎԱԳՐՈՒԹՅԱՆ ԲԱՑԵՐԸ



Հայաստանի արգելքը վրացական համարանիշների վերաբերյալ այնքան խորացավ նախորդ տարեվերջին, որ չնկատեցինք, թե մեզ համար Վրաստանն ինչ օրենք ընդունեց: Բանն այն է, որ 2024 թվականի հունիսի 1-ից Վրաստանում արտասահմանցիների համար պարտադիր կրառնա կյանքի եւ առողջության ապահովագրությունը, որն ապահովելու է զբոսաշրջիկի համար անհրաժեշտ բուժօգնության տրամադրումը եւ դժբախտ պատահարներից ապահովագրումը: Այսինքն՝ ցանկացած օտարերկրացի, որը ցանկանում է մեկնել Վրաստան, անկախ այցի նպատակից, անպայման պետք է ունենա նշյալ ապահովագրությունը: Հակառակ դեպքում՝ յուրաքանչյուր չապահովագրված անձի համար կիրառվելու է տուգանք՝ 300 լարիի չափով (մոտ 46 հազար դրամ): Այս մասին ՀՀ քաղաքացիները չեն ծանուցվել, եւ ոչ մի իրավասու կառույց չի պատրաստվում զգուշացնել այս օրենքի կարգավորման կամ ամրագրված գոյության մասին: ՀՀ առողջապահության նախարարությունից փորձեցինք տեղեկանալ, թե պարտադիր առողջապահական ապահովագրության ներդրումը արդյոք կվերաբերի՞ եւ պարտադիր կլինի՞ ոչ ՀՀ քաղաքացիների համար:

Նախարարությունից մեզ փոխանցեցին. «Հայաստանում աշխատող կամ ինքնազբաղված ոչ ՀՀ քաղաքացիների համար առողջության համապարփակ ապահովագրությունը, ըստ օրենքի նախագծի, լինելու է պարտադիր: Առողջության համապարփակ ապահովագրության ներդրման վերջին փուլը նախատեսվում է ավարտել 2027 թվականին»: Առողջապահության նախարարությունից տեղեկանում ենք նաեւ, որ մինչ 2027 թվականի պարտադիր առողջապահական ապահովագրության նախագծի մեջ մտնում են նաեւ մինչեւ 18 տարեկան երեխաների, անժամկետ հաշմանդամություն ունեցողների, 63 եւ դրանից բարձր տարիքի անձանց, մինչեւ 2 տարեկան երեխաների ապահովագրությունը: «Ժողովուրդ» օրաթերթը տեղեկացավ, որ նախագիծը որքան էլ օգտակար է թվում, այնքան էլ ունի մի շարք բացեր եւ խնդիրներ: Անհայտ է, թե մինչեւ որքան դրամ կարող է փոխհատուցել նախարարությունը: Նախատեսվում է տարեկան պարտադիր առողջապահական ապահովագրության համար վճարել 164 հազար 400 դրամ: Նախագծով կարգավորվում է նաեւ, որ ապահովագրության համար վճարվող գումարը չմոծելու դեպքում տուգանվելու է եւ՛ անձը, եւ՛ գործատուն: Բազմիցս արձանագրված առողջապահական այս նախագծի առաջացնելիք խնդիրներն անվերջ են. ավելի ուշ դրանց կանդիդատները: Այժմ հարկ է նշել, որ այս խնդիրները արձանագրվել են նաեւ Հայաստանում Ասիական զարգացման բանկի կողմից, որի 2024 թվականի կանխատեսումների մեծ մասը վերաբերում էին հենց առողջապահական ոլորտին, որի մասին նախկինում գրել ենք:


Նիկոլ Փաշինյանը տարբեր պատճառաբանություններով արդեն տեւական ժամանակ է, ինչ հետաձգում է ԶԳ-ական պատգամավորների հետ հանդիպումը: Դեռ ապրիլի 5-ի բյուրոյական հանդիպումից հետո ԶԳ-ական պատգամավորները սպասում էին Նիկոլ Փաշինյանին, որ գնա ԱԺ եւ փակ հանդիպման ժամանակ վերջապես տա իրենց հուզող հարցերի պատասխանները: Փաշինյանն էլ ամեն անգամ, զբաղվածության պատճառաբանությամբ, խուսափում է փակ հանդիպումից: «Ժողովուրդ» օրաթերթին հայտնի դարձավ, որ ԶԳ-ական պատգամավորներն անգամ դիմել են խմբակցության ղեկավար Հայկ Կոնջորյանին, որ վերջինս կազմակերպի հանդիպումը. նա էլ իր հերթին է ասել, որ վարչապետը զբաղված է, բայց վստահեցրել է՝ առաջիկայում կգա հանդիպման: Հավանաբար, արդյունքները Փաշինյանի համար եւս գոհացուցիչ չեն եղել ու չգիտի՞ ինչ ներկայացնի պատգամավորներին, այդ պատճառով էլ խուսափում է հանդիպումներից:



«Ժողովուրդ» օրաթերթի տեղեկությունների համաձայն՝ ապրիլի 12-ին տեղի ունեցած «Ուրալ»-ի վթարի գործով ՀՀ ՊՆ պաշտոնյաների պատասխանատվության ենթարկելու հարց է բարձրացվել իրավապահների կողմից: Չի բացառվում, որ ՀՀ քննչական կոմիտեն պաշտոնյաների կալանավորի, քանի որ վթարը 4 զինվորի կյանք է խլել, որոնցից որեւէ մեկը սաղավարտ չի կրել: Հիշեցնենք՝ ՀՀ քննչական կոմիտեն տեղեկացրել էր, որ 2024 թ. ապրիլի 12-ին ՀՀ ՊՆ հաշվեկշռում գտնվող «Ուրալ» մակնիշի ավտոմեքենայի վթարման, դրա հետեւանքով 4 զինծառայողների մահվան եւ մի շարք զինծառայողների տարբեր աստիճանների մարմնական վնասվածքներ ստանալու դեպքի առթիվ ՀՀ քննչական կոմիտեի զինվորական քննչական գլխավոր վարչության 9-րդ կայազորային քննչական բաժնում ՀՀ քրեական օրենսգրքի 538-րդ հոդվածի 4-րդ մասի (Մարտական, հատուկ կամ տրանսպորտային մեքենա վարելու կամ շահագործելու կանոն խախտելը, որն անզգուշությամբ առաջացրել է երկու կամ ավելի անձանց մահ) հատկանիշներով նախաձեռնվել է քրեական վարույթ: Նշված քրեական վարույթով նախաքննությունը շարունակվում է, ողբերգական ելքով դեպքի հանգամանքները ամբողջությամբ պարզելու ուղղությամբ իրականացվում են մեծածավալ քննչական եւ վարույթային գործողություններ: Մասնավորապես՝ առգրավվել են ավտոմեքենայի շահագործման պահանջներին, տրանսպորտային միջոցի տեխնիկական ընդհանուր վիճակին, շահագործելիությանը վերաբերող անհրաժեշտ բոլոր փաստաթղթերը: Հարցաքննվել են երկու տասնյակից ավելի անձինք՝ ինչպես զինծառայողներ, այնպես էլ իրամասնատարական կազմի ներկայացուցիչներ, զորամասի տրանսպորտային միջոցների անվտանգության եւ պահպանության համար պատասխանատուներ:



Ոստիկաններն իրենց մասնագիտական օրով «փայլեցին» բռնարարներով. ԶԳ պատգամավորին վիրավորած քաղաքացին ոչ միայն ձերբակալվեց, այլեւ, պահման վայր ուղեկցելու ճանապարհին, նրան դիմակավորվածները դաժան ծեծի ենթարկեցին, նսեմացրին, խոշտանգեցին: Ալեն Սիմոնյանին կարելի է թեթև ու մնալ անպատիժ, իսկ ընդդիմադիր քաղաքացուն ազատազրկում են, ապա ծեծում սեփական կարծիքի արտահայտման համար: Երեկ ԱԺ ԶԳ պատգամավոր Հակոբ Ասլանյանի եւ քաղաքացի Սամվել Վարդանյանի միջեւ եղած միջադեպը կրկին բորբոքել է իշխանական կրքերը: Միջադեպից անմիջապես հետո Հակոբ Ասլանյանը ArmLur.am-ի հետ զրույցում նշել էր, որ քաղաքացու դեմ բողոք չի ներկայացնի, սակայն քաղաքական որոշման արդյունքում նա բողոք գրեց ոստիկանությունում: Մինչդեռ քաղաքացի Կարեն Մկրտչյանի վրա թեքած Ալեն Սիմոնյանը, եւ ուրիշ եթերում օմբուդսմենի ընդդիմադիր թեկնածուի հասցեին սպառնալիքներ հնչեցրած Արթուր Հովհաննիսյանը, որ խուլիգանություններ են դրսևորել, նախօրեին խրոխտ դատապարտեցին քաղաքացու այդ քայլը: Նրանց հորդորով՝ քննչական կոմիտեում հաղորդում ներկայացվեց քաղաքացի Սամվել Վարդանյանի դեմ: Սամվելին ձերբակալելու որոշում կայացվեց եւ ԶԳ տեղափոխելու ճանապարհին նրան դաժան ծեծի ենթարկեցին դիմակավորված մարդիկ՝ հասցնելով ոչ միայն ֆիզիկական, այլ նաեւ սեռական, հոգեբանական բռնություն՝ այդ ամենը հայիոյանքներով ուղեկցելով: Երեկ փաստաբանները տեղեկացրել են, որ ծեծելուց հետո քաղաքացի Սամվելի գլուխը բարձրացրել են ծեծած դիմակավոր անձինք եւ միասին թեթև են նրա վրա. շատ ծանոթ ձեռագիր է, չէ՞: «Դավաճան վիժվածք» արտայատությունն արած քաղաքացին դաժանաբար խոշտանգվում է բռնության է ենթարկվում, իսկ քաղաքացու վրա թեքած ԱԺ նախագահը, սպառնացող ԶԳ քարտուղարը, դառնում են անպատժելի արտոնյալներ:



Շարունակությունը՝ ArmLur.am կայքում:

ԶՐՈՒՅՑ

«ՏԵՂՅԱԿ ԶԵՄ, ՈՐ ԾԵԾԻ ԵՆ ԵՆԹԱՐԿԵԼ»

Երեկ հայցնի դարձավ, որ 1 օր առաջ ՔՊ-ական դատաւար Հակոբ Ասլանյանի հետ վիճաբանության բռնված Մամվել Վարդանյանը դաժան ծեծի է ենթարկվել դիմակավոր անձանց կողմից:

Այս մասին ահազանգել են նրա պաշտպանները:

ArmLur.am-ը հետաքրքրվեց Սերգեյ Բագրատյանից՝ ինչ վերաբերումն է ունի առ այն, որ իշխանության ներկայացուցչի հետ վիճաբանության բռնված քաղաքացուն ծեծի են ենթարկում, տեղյակ է արդյո՞ք ովքեր են քաղաքացուն ծեծի ենթարկած անձինք:

-Ես տեղյակ չեմ ովքեր են, բայց փորձաքննություն եղել է, որ ծեծել են քաղաքացուն:

-Փաստաբաններն են ահազանգել, պարոն Բագրատյան:

-Փաստաբաններն այդ պահին այստեղ եղել են:

-Այդ պահին այստեղ չեն եղել, բայց քաղաքացուն տեսակցել են ու ահազանգել: Ինչպե՞ս է ստացվում, որ հենց պատգամավորի հետ վիճաբանության բռնվելուն է հաջորդում այս միջադեպը:

-Ո՞վ է ներկա եղել, որ իշխանությունները կապ ունեն դրա հետ, որեւէ մեկը ներկա եղել է... Չգիտեմ, ես չեմ լսել այդ մասին:

ArmLur.am-ը ՔՊ-ական պատգամավոր Հակոբ Ասլանյանից էս հետևեցվեց



Տեղյակ է արդյո՞ք, ովքեր են ծեծի ենթարկածները, ինչպես ստացվեց, որ հենց իր հետ ընդհարումից մեկ օր անց ֆաղաֆադուն ծեծել են. «Ես երբևիցե չեմ հավատում, որ ծեծի են ենթարկել: Я могу проучить»: Չրոնցեք ՔՐԻՍՏԻՆԱ ՍՈՒՇԵՆՅԱՆԸ

ՓԱՇԻՆՅԱՆԸ ԽԱՔԵԼ Է ՄԱՍ 200

18.10.2018թ., ճեպագրույցի ժամանակ Նիկոլ Փաշինյանը հայտարարեց. «Ես արդեն հայտնել եմ, որ Հայաստանում օլիգարխներ չկան»: Այնուհետև՝ 30.11.2018թ., Նախընտրական քարոզարշավի շրջանակներում Հրազդանում հայտարարեց. «Երբեմնի օլիգարխիան գրկված է կառավարության որոշումների վրա ազդեցության բոլոր լծակներին»: Սակայն իրականում հենց իր խմբակցության ներսում կան գործարարներ, որոնք ուղիղ ազդում են իշխող ուժի որոշումների վրա: Բացի դրանից, օրինակ, Գուրգեն Արսենյանը բազմիցս հայտարարել է, որ. «մենք ընդունել ենք այս որոշումը կամ այն որոշումը»: Այսինքն՝ գործարար պատգամավորը խոստովանել է, որ ինքը, լինելով գործարար, մասնակից է կառավարական որոշումների կայացմանը: Բացի դրանից, «Ժողովուրդ» օրաթերթը ներկայացնում է, որ այսօր կա, օրինակ, մեկ այլ գործարար, որի մասին Նախկինում ոչինչ հայտնի չէր, մեկ էլ հանկարծ լսում ենք՝ Նարեկ Նալբանդյան անուն ազգանունը, որը պետությունից «փակովի» տարբերակով գնում է Նախկին ՊԵԿ Նախագահի՝ պետությանը Նվիրաբերած «Գուրգեն Փելես» հյուրանոցային համալիրը: Հետո լսեցինք, որ Նա գնել է Նաե ԱԺ Նախկին Նախագահ Հովհի Աբրահամյանի ոսկեզօծ տունը՝ դարձյալ ամիս-ամիս «փակովի» տարբերակով: Նիկոլ Փաշինյանն էլ հաճախ հայտնվում է իր ստեղծած օլիգարխի այս կամ այն օբյեկտի բացման արարողությանը: Բա ասում էիք՝ օլիգարխներ չկան այլևս. այո, կան, բայց այլ դեմքերով:

ՏԵՂԻ ՈՒՆԵՑԱԾՈՒՆ «ԲԵՍՊՈՐԵՂԵԼ» Է

ՔԱՂԱՔԱՑՈՒՄՆ ԴԵՏՔ Է ԱԶԱՏ ԱՐՁԱԿԵՆ

Աժ մարդու իրավունքների դաժակաբանության եւ հանրային հարցերի մեծական հանձնաժողովի՝ աղօրինաբար լիազորությունները դադարեցված նախագահ, անկուսակցական դատաւար Թադևոսի Թովմասյանը սոցցանցի իր էջում գրում է.

«Քիչ առաջ ԱԺ մի խումբ պատգամավորների հետ տեսակցեցի ոստիկանական բաժնի թողություններ (կամ հենց նրանց կողմից) ծեծի ենթարկված քաղաքացի Մամվել Վարդանյանին:

Նա գտնվում է ՀՀ ոստիկանության Ձերբակալվածների պահման վայրում: 72 ժամվա ընթացքում պետք է նրան կամ ազատ արձակեն, կամ կալանավորեն, ինչի հիմքերը չկան:

Բայց այն, ինչ տեղի է ունեցել քաղաքացու հետ ՀՀ քննչական կոմիտեից դեպի ՁՊՎ տանելու ճանապարհին, դուրս է մարդկային երեսակայությունից:

Մամվելը ոստիկանական մեքենայում եղել է ձեռնաշղթաներով, նրան ուղեկցողները շարժվելուց 300 մետր հեռավորության վրա բնական կարիքները բավարարելու պատճառաբանությամբ կանգնեցրել են ավտոմեքենան, իջել են, ձերբակալվածին թողել միայնակ մեքենայի մեջ:

Վարկյաններ անց բացվել է դուռը, երկու քաղաքացիական հագուստով դիմակավորվածներ նրան քարշ տալով իջեցրել են մեքենայից, բացառապես մի մութ տարածքում, որտեղ ոչինչ տեսանելի չի եղել մարդաբազա երեսանում, տապալել են գետնին, հայիոյել, սպառնացել, ծեծի ենթարկել, խոշտանգել, նվաստացրել նրա արժանապատվությունը ամենազգվելի ձևով, ապա բառացիորեն հետ են նետել ավտոմեքենայի մեջ:



2 րոպե անց ուղեկցող ոստիկանները եկել են՝ ասես ոչինչ չի եղել ու նստել ավտոմեքենան՝ շարունակելով ճանապարհը: Ի հարկե, հետաքրքրվել են, թե ինչու է հետում Մամվելը, սակայն անխռով տարել են նրան ժամանակավոր պահման վայր: Տեղի ունեցածը «բեսպորեղել» է, նույնիսկ եթե ՔՊ պատգամավորը ամենադաժան ձևով վիրավորված լինի: Դրա համար կա քաղաքացիական օրենսգրքում նախատեսված պատժամիջոց: Արդեն քաղաքացուն ձերբակալել են, խուլիգանության հոդվածը առաջադրել, ազատագրվել, բայց նաեւ ծեծի են ենթարկել շղթայված երիտասարդին, նսեմացրել նրա արժանապատվությունը: Սա անթույլատրելի է, դատապարտելի է պետք է խստագույնս պատժվի: Հայաստանում հավատարմագրված դեսպանատների, մարդու իրավունքների պաշտպանությամբ զբաղվող համաշխարհային կառույցներին արդեն ուղարկել են գրություններ այս առիթով: Քաղաքացուն ուղեկցող ոստիկանները եւ զինված բանդան պետք է պատժվեն»:

ՆՎԻՐԵԼ ԵՆ ՀԱՅԵՐԻՆ

Ամստերդամում տեղի է ունեցել Սուրբ Հոգու հայկական եկեղեցուն Նոր զանգի հանձնման հանդիսավոր արարողությունը: Զանգը նվիրատվություն է Ուկրաինայի հայերի միության կողմից, հայտնում է AnalitikaUA-ն:

«Տեղի ունեցավ զանգի լվացման արարողությունը, որը վարեց տաճարի առաջնորդ Տեր Տարոն Թադևոսյանը: Ծեսը, որը նախորդում է զանգի օծման գործողությանը, խորհրդանշում է զանգի մաքրումն ու պատրաստումն օգտագործմանը:

Արարողությանը ներկա էին Ուկրաինայի հայերի միության բարձրաստիճան ներկայացուցիչներ՝ ՈՒՀՍ Նախագահ Վիլեն Շատվորյանը, ՈՒՀՍ շտաբի ղեկավար Դավիթ Մկրտչյանը, ՈՒՀՍ Խերտոնի ղեկավար Տիգրան Մկրտչյանը: Մասնակցում էին նաեւ ՈՒՀՍ ակտիվիստներ Արսեն Մելքոնյանը՝ Ուժգորդից եւ Լեւոն Դուլյանը՝ Օդեսայից: Միջոցառումը տեղի ունեցավ Ամստերդամի հայկական համայնքի անդամների մասնակցությամբ»,- ասվում է հաղորդագրության մեջ:

Ըստ աղբյուրի՝ Ուկրաինայի հայերի միությունը ջանքեր է գործադրում ամբողջ աշխարհում հայկական մշակույթը պահպանելու եւ հանրահռչակելու համար: Ուստի, Ամստերդամի հայկական եկեղեցուն Նոր զանգի փոխանցումը կարելու իրադարձություն է ոչ միայն տեղի համայնքի, այլևս ողջ հայ ժողովրդի համար:

ԻՐԱՎԻՃԱԿ

ԱՄՆ ԴԵՍՊՈՒՆԱՏԱՆ ՆԱԽԱԶԵՌՆՈՒԹՅՈՒՆԸ

ՎԵՐԱՊԱՏՐԱՍՏՄԱՆ ԴԱՍԸՆԹԱՑՆԵՐ

ԿԱՆԱԴԱՅԻ ԱՌԱՋԻՆ ՓՈՐՉԱԳԵՏԸ



Կանադայի արտաքին գործերի նախարար Մելանի Ջոլին ողջունել է առաջին կանադացի փորձագետ Ալեքսանդր Գրուշենսկու միանալը՝ Յայաստանում Եվրոպական Միության դիտորդական առաքելությանը:

Այս մասին Կանադայի ԱԳ նախարար գրառում է կատարել X-ի իր միկրոբլոգում:

«Վերադառնալով անցյալ տարվա իմ այցից (իսկ 2023 թվականին այցելել է Յայաստան)՝ առանցքային առաջնահերթություն էր Յարավային Կովկասում կայունության եւ անվտանգության ապահովման ուղիների ուսումնասիրությունը, ներառյալ Յայաստանի տարածքային ամբողջականության նկատմամբ հարգանքը: Ողջունում ենք մեր առաջին փորձագետ Ալեքսանդր Գրուշենսկու միանալը Յայաստանում Եվրոպական Միության դիտորդական առաքելությանը»,- նշել է նա:

Նախօրեին հայտնի դարձավ, որ Յայաստանում գործող Եվրոպական Միության դիտորդական առաքելությանն է միացել առաջին կանադացի մասնագետը:

2023 թվականի հոկտեմբերին Կանադայի արտաքին գործերի նախարար Մելանի Ջոլիի՝ Յայաստան կատարած այցի ընթացքում հայտարարվեց, որ Կանադան կմիանա Յայաստանում ԵՄ դիտորդական առաքելությանը: Յայաստանի Յանրապետության ԱԳ նախարարի տեղակալ Պարույր Յովհաննիսյանը հայտնել էր, որ Կանադան ԵՄ առաքելությանը միանալու համար 2 փորձագետ կուղարկի:

ԱՆԴՐԱԳԱՐՉԵԼ Է ՈՐՈՇՄԱՆԸ

Յայաստանում Ֆրանսիայի դեսպան Օլիվիե Դեկոտինյին անդրադարձել է օգոստոսի 3-ը եզրինների ցեղասպանության զոհերի հիշատակի օր սահմանելու նախագծի ընդունմանը Ազգային ժողովում:

«Յայաստանի Ազգային ժողովը եզրինների ցեղասպանության հիշատակի օրը ներառել է իր ազգային օրացույցում: Մեկ դար տարբերությամբ եզրինների նահատակությունը կրկնությունն է հայերի 1915 թվականի նահատակության: Յարտ եմ, որ այս պատմական օրը ներկայացրել եմ Ֆրանսիան Ազգային ժողովի դահլիճում»,- նշել է Դեկոտինյին:

ՀՀ բննչական կոմիտեի նախագահի տեղակալ Արսեն Այվազյանն ապրիլի 16-ին մասնակցել է ԱՄՆ դեսպանատան նախաձեռնությամբ ԱՄՆ արդարադատության նախարարության միջազգային օգնության գրասենյակի (OIA) եւ ԱՄՆ դեսպանատանի իրավական խորհրդատուի գրասենյակի ղեկավարության այցի օրհանգումներում երեւանում անցկացվող, իրավական փոխօգնության հարցումներին վերաբերող երկօրյա վերադաստանում դասընթացի բացման արարողությանը:

Ինչպես տեղեկացնում են ՀՀ քննչական կոմիտեից, վերապատրաստումն ուղղված է ԱՄՆ իրավասու մարմիններին իրավական փոխօգնության հարցումներով դիմելու ոլորտում ՀՀ քննչական կոմիտեի, ՀՀ դատախազության եւ ՀՀ հակակոռուպցիոն կոմիտեի աշխատակիցների հմտությունների կատարելագործմանը, նման հարցումներին ներկայացվող պահանջների, հարցումների ներկայացման եւ դրանց լուծման ընթացակարգերի վերաբերյալ օգտակար տեղեկատվության եւ փորձառության տրամադրմանը:

Ըստ աղբյուրի՝ բացման արարողությանը մասնակցել են նաեւ ՀՀ-ում ԱՄՆ դեսպանատան Թմրամիջոցների դեմ պայքարի եւ իրավապահ համագործակցության գրասենյակի տնօրեն Ալեքսիս Յաֆտախյանը, ինչպես նաեւ ՀՀ գլխավոր դատախազության, ՀՀ հակակոռուպցիոն կոմիտեի ներկայացուցիչները:

Նշվում է, որ ՀՀ քննչական կոմիտեի նախագահի տեղակալ Արսեն Այվազյանն իր խոսքում կարեւորել է նման դասընթացի անցկացումը քրեական վարույթներով ՀՀ եւ ԱՄՆ իրավապահ մարմինների միջեւ համագործակցության սերտացման, իրավական փոխօգնության խնդրանքներ:

ՕՐՎԱ ԽՃԱՆԿԱՐ

ԿԱՅՑԵԼԻ ՄԱՌԻԳՅԱՆ ԱՐԱՔԻԱ

Յայաստանի արտաքին գործերի նախարար Արարատ Միրզոյանն ապրիլի 17-18-ը պաշտոնական այցով գտնվելու է Սաուդյան Արաբիայի Թագավորությունում: 2023թ. նոյեմբերին երկու երկրների միջեւ դիվանագիտական հարաբերությունների հաստատումից հետո սա Յայաստանից առաջին բարձրաստիճան այցն է Սաուդյան Արաբիա:

Այս մասին հայտնել է Յայաստանի ԱԳՆ մամուլի քարտուղար Անի Բադալյանը:

Այցի շրջանակներում նախարար Միրզոյանը հանդիպում կունենա Սաուդյան Արաբիայի արտաքին գործերի նախարար արքայազն Ֆեյսալ բին Ֆարհան Ալ Սաուդի հետ:

Նախատեսված են Սաուդյան Արաբիայի գործընկերների հետ նաեւ այլ հանդիպումներ:

ԱՍՖԱՆՏԱՊԱՏՈՒՄ ՆՈՐ

ՏԵԽՆՈԼՈԳԻԱՆԵՐՈՎ

Երեւանի քաղաքապետարանը դիտարկում է Նոր տեխնոլոգիաների կիրառմամբ ձմեռային ամիսներին ասֆալտապատման աշխատանքներ իրականացնելու հարցը:



Նա հույս է հայտնել, որ նման նախաձեռնությունները կլինեն շարունակական՝ վերահաստատելով դրանց՝ ՀՀ քննչական կոմիտեի շահագրգիռ ներգրավվածության պատրաստակամությունը: Երկօրյա դասընթացին մասնակցում են ՀՀ քննչական կոմիտեի միջազգային հարցումների ապահովման բաժնի պետ Անուշ Գասպարյանը, ինչպես նաեւ ՀՀ ԶԿ տարբեր կառուցվածքային ստորաբաժանումների ինքնավար պաշտոններ զբաղեցնող 16 անձինք:

ՍՈՍԱ ԳՐԻԳՈՐՅԱՆ

Նա հույս է հայտնել, որ նման նախաձեռնությունները կլինեն շարունակական՝ վերահաստատելով դրանց՝ ՀՀ քննչական կոմիտեի շահագրգիռ ներգրավվածության պատրաստակամությունը:

Երկօրյա դասընթացին մասնակցում են ՀՀ քննչական կոմիտեի միջազգային հարցումների ապահովման բաժնի պետ Անուշ Գասպարյանը, ինչպես նաեւ ՀՀ ԶԿ տարբեր կառուցվածքային ստորաբաժանումների ինքնավար պաշտոններ զբաղեցնող 16 անձինք:

ՈՉ ՏԱՐԱԾԱՐՋԱՆԱՅԻՆ ԵՐԿՐՆԵՐ

Արտատարածաշրջանային ուժերի մասին խոսելիս նկատի ունենք օվկիանոսից այն կողմ գտնվող երկրներ, որոնք դեմոկրատիայի (եւ այլ - խմբ.) խնդիրների առաջ չեն կանգնել: Այս մասին ապրիլի 16-ին լրագրողների հետ հանդիպման ժամանակ հայտարարեց Յայաստանում Իրանի արտակարգ եւ լիազոր դեսպան Մեհդի Սոքհանին:

«Օվկիանոսի այն կողմից գալիս են այստեղ եւ փորձում են որոշումներ կայացնել այս տարածաշրջանի ժողովուրդների համար»,- նշել է նա:

Մեհդի Սոքհանին պարզաբանել է, որ խոսքը Եվրոպական որոշ երկրների եւ ԱՄՆ-ի մասին է:

Նա պարզաբանել է, որ տարածաշրջանային երկրներ են համարվում Յայաստանը, Կրաստանը, Ադրբեջանը, Իրանը, Ռուսաստանը եւ Թուրքիան:

«Ռուսաստանը սահման ունի Կովկասի հետ, այն չի համարվում ոչ տարածաշրջանային երկիր»,- հավելել է դիվանագետը:

Հիշեցնենք, որ Իրանը բազմիցս դեմ է արտահայտվել Յարավային Կովկասի երկրների գործերին ոչ տարածաշրջանային երկրների միջամտությանը:

ԶԱՐԱՇԱՐՈՒՄՆԵՐ

ԾԱՆՐ ՂԵՏԵՎԱՆՔՆԵՐԻ Է ՂԱՍՅՐԵԼ

ArmLur.am-ին հայտնի դարձավ, որ Արմեն Հարությունյանը 2008 թվականի սեպտեմբերի 7-ին Երևանի Էրեբունի համայնքի ղեկավարի ընտրությունների արդյունքում ընտրվել է Էրեբունի համայնքի ղեկավարի դաստիարակ, եւ դաստիարակները մինչև 2009 թվականի մայիսի 31-ը: 2009 թվականին Երևան համայնքի կազմավորումից հետո՝ նույն թվականի մայիսի 31-ին կայացած Երևանի ավագանու ընտրություններից հետո, Երևանի քաղաքապետի դաստիարակները գրադարձվել է Էրեբունի վարչական շրջանի ղեկավարի դաստիարակ, որում դաստիարակները է մինչև 2017 թվականը:



2009 թվականին Երևան քաղաքի Էրեբունի համայնքի ղեկավարի պաշտոնը զբաղեցնելու ժամանակահատվածում Արմեն Հարությունյանը «Տեղական ինքնակառավարման մասին» ՀՀ օրենքի 32-րդ հոդվածի կարգով լիազորված լինելով նույն օրենքով եւ ավագանու կանոնակարգով սահմանված կարգով հրավիրել է վարել է ավագանու նիստեր, համայնքի ավագանու որոշմամբ եւ սահմանված պայմաններով՝ օգտագործման տրամադրել համայնքի սեփականություն համարվող գույքը, իր իրավասության շրջանակներում ընդունել որոշումներ, կազմել արձանագրություններ եւ արձակել կարգադրություններ: Նույն օրենքի 16-րդ հոդվածի 20-րդ կետով սահմանված կարգով՝ առաջարկություն ներկայացնել համայնքի ավագանու՝ համայնքի սեփականություն համարվող գույքն օգտագործման տրամադրելու, նույն օրենքի 14-րդ հոդվածի համաձայն՝ լիազորված լինելով համայնքի ավագանու՝ օրենքին հակասող որոշումների վերաբերյալ՝ եռօրյա ժամկետում համայնքի ավագանուն ներկայացնել համապատասխան հիմնավորումներով գրավոր առարկություններ եւ առաջարկություններ, ՀՀ հողային օրենսգրքով եւ ՀՀ կառավարության համապատասխան որոշմամբ սահմանված կարգով համայնքային սեփականություն հանդիսացող հողամասը վարձակալության եւ կառուցապատման իրավունքով տրամադրելու նպատակով մրցույթների կազմակերպման համար մրցութային հանձնաժողով ստեղծելու, հանդիսանալով պաշտոնատար անձ՝ անձնական այլ շահագրգռվածությունից ելնելով պաշտոնական դիրքն օգտագործել է ծառայության շահերին հակառակ եւ չի կատարել իր ծառայողական պարտականությունները, որն էական վնաս է պատճառել համայնքի օրինական շահերին: Միաժամանակ նույն գործողություններն անզգուշությամբ առաջացրել են ծանր հետեւանքներ:

տարածքների կառավարումը, իսկ Երեւան քաղաքը պարտավորվել է ստանալ ֆոնդը եւ օգտագործել «Վարդավառի» զբոսայգու («Լիոնի այգու») ծրագրի իրականացման նպատակով: Ըստ նույն համաձայնագրի՝ որոշվել է դոտացիայից տրամադրել 15.000 եվրո կանխավճար, իսկ մնացորդ 80.000 եվրոն տրամադրել վճարված նախահաշիվների ներկայացման եւ աշխատանքների առաջընթացի պարագայում:

Այնուհետեւ, 2008 թվականի հոկտեմբերի 28-ին կայացել է մրցույթ, որի արդյունքում որոշվել է առաջարկել «Հայր եւ որդի Ադամյաններ» ՍՊ ընկերությանն իրականացնել «Վարդավառի» զբոսայգու («Լիոնի այգու») բարեկարգման աշխատանքները՝ առաջին փուլով տրամադրելով 15.828.648 ՀՀ դրամ:

2008 թվականի դեկտեմբերի 16-ին Երեւանի քաղաքապետի կողմից Էրեբունի համայնքի ղեկավար Արմեն Հարությունյանին տրվել է լիազորագիր՝ Էրեբունի համայնքի «Վարդավառ» զբոսայգում բարեկարգման աշխատանքների պատվիրատուի գործունեությունն իրականացնելու նպատակով: Հիշյալ լիազորագրի հիման վրա Արմեն Հարությունյանը 2009 թվականի հունվարի 20-ին «Հայր եւ որդի Ադամյաններ» ՍՊ ընկերության հետ կնքել է աշխատանքների գնման պայմանագիր, որի հիման վրա հիշյալ ընկերությունն իրականացրել է պայմանագրով նախատեսված աշխատանքները:

Այնուհետեւ, Արմեն Հարությունյանը 2009 թվականի ապրիլի 2-ի եւ 23-ի գրություններով դիմել է Երեւանի քաղաքապետին՝ Երեւան քաղաքի Սասունցի Դավիթ 87 հասցեում գտնվող «Վարդավառ» զբոսայգու եւ լճի զբաղեցրած տարածքի սահմանների ճշգրտում կատարելու խնդրանքով, որի հիման վրա Երեւանի քաղաքապետի՝ 2009 թվականի մայիսի 27-ի թիվ 5360-Ս որոշմամբ չեղյալ է ճանաչվել Երեւանի քաղաքապետի՝ 2001 թվականի փետրվարի 22-ի թիվ 138 որոշման հիման վրա թողարկված գլխավոր հատակագիծը եւ սահմանվել նոր գլխավոր հատակագիծ, որով «Վարդավառ» զբոսայգու եւ լճի զբաղեցրած տարածքը 201200 քառակուսի մետրի փոխարեն նշվել է 179610 քառակուսի մետր:

Արմեն Հարությունյանի վերոհիշյալ գործողությունների արդյունքում էական վնաս է պատճառվել համայնքի օրինական շահերին, այն է՝ սահմանված կարգով մրցութային հանձնաժողով չձեւավորելու արդյունքում ՀՀ հողային օրենսգրքի 77-րդ հոդվածի 2-րդ մասի կարգով չեն սահմանվել մրցույթի պայմաններ, այդ թվում՝ վճարի մեկնարկային չափ, չի կազմակերպվել եւ անցկացվել բաց մրցույթ, տարեկան վարձավճարի մեկնարկային նվազագույն՝ 12.500.856 ՀՀ դրամի փոխարեն արդեն իսկ Լիոն քաղաքի միջոցներով բարեկարգվող «Վարդավառ» զբոսայգին վարձակալությամբ «ԲԻՂԵՔ» ՍՊ ընկերությանը տրամադրվել է ակնհայտ ցածր՝ 619.655 ՀՀ դրամ գումարով, ինչի արդյունքում խաթարվել է տեղական ինքնակառավարման մարմինների նորմալ գործունեությունը: Ավելին՝ Արմեն Հարությունյանի նույն գործողությունները համայնքի համար անզգուշությամբ առաջացրել են ծանր հետեւանքներ, առանձնապես խոշոր չափերով՝ 166.336.724 ՀՀ դրամի գույքային վնաս՝ նկատի ունենալով, որ հետագա տարիներին վճարվել է տարեկան 619.655 ՀՀ դրամ վարձավճար, մինչդեռ «Հայաստանի Հանրապետության բնակավայրերի հողերի կադաստրային գնահատման կարգը, տարածագնահատման (գտնվելու վայրի) գոտիակառավարության գործակիցները եւ սահմանները հաստատելու մասին» ՀՀ կառավարության՝ 2003 թվականի դեկտեմբերի 24-ի թիվ 1746-Ն որոշմամբ սահմանված բանաձեւով հաշվարկման արդյունքում վարձակալական հիմունքներով կառուցապատման իրավունքով համայնքի բյուջե առնվազն պետք է վճարվեր տարեկան 12.500.856 ՀՀ դրամ:

Գործով նախաքննության ավարտ է հայտարարվել եւ գործը ուղարկվել է դատարան:

ՔՆՍՐ ՍՆՆՈՒԿՅԱՆ

ՔՐԵԱԿԱՆ ՎԱՐՈՒՅԹ

ԶԳՐԱՆՑՎԱԾ ԳԵՂԵՐԻ «ՄԵՎ ԸՈՒԿԱ»

ArmLur.am-ին հայտնի դարձավ, որ նախաքննական մարմինը այս քրեական վարույթի շրջանակներում, ամենայն հավանականությամբ, հարցաքննության կիրավորի առողջապահության նախարար Անահիտ Ավանեսյանին, քանի որ, ըստ նախնական տեղեկությունների, քրեական վարույթի շրջանակներում որոշակի փոխկապակցվածություն կա առողջապահության նախարարի գործունեության հետ:

ԱԱԾ-ն ու Քննչական կոմիտեն կոնկրետ քննություն են իրականացնում չգրանցված դեղերի եւ պետական պատվերի բաշխման գործընթացում առկա չարաշահումների մասով:

Հիշեցնենք, որ նախկինում Անահիտ Ավանեսյանը այլ քրեական վարույթով հարցաքննվել է:

«Ժողովուրդ» օրաթերթը գրում է. ««Ժողովուրդ» օրաթերթն իր աղբյուրներից տեղեկացավ, որ Հակակոռուպցիոն կոմիտե է հրավիրվել եւ հարցաքննվել առողջապահության նախարար Անահիտ Ավանեսյանը: Անցած տարի՝ օգոստոսի 2-ին, գրել էինք, որ հերթական ծանուցագիրն են նախապատրաստում. այս անգամ այն ուղարկելու են ՀՀ առողջապահության նախարար Անահիտ Ավանեսյանին: Վերջինս գնացել է հարցաքննվել է որպես վկա ու վերջ:

Արսեն Թորոսյանից հետո նախապատրաստվում էին լսել գործող նախարար Անահիտ Ավանեսյանին: Մեզ հասած տեղեկությունների համաձայն՝ Թորոսյանի հարցաքննությունից հետո նախաքննական մարմինը փակուղի էր մտել:

Ըստ էության, այդպես էլ եղավ: Առաջիկայում «քովիդ 2019»-ի քրեական վարույթի գործով նախաքննության ավարտ կհայտարարվի:

Հիշեցնենք, որ անցած տարի հակակոռուպցիոն կոմիտեն ակտիվ կերպով հարցաքննության էր հրավիրում «Գրիգոր Լուսավորիչ» բժշկական կենտրոնի աշխատակիցներին:

Իսկ ի՞նչ քրեական վարույթի մասին է խոսքը. ըստ քրեական վարույթով ձեռք բերված տվյալների՝ «ՀՀ-ում նոր կորոնավիրուսային վարակի (Covid-19) կանխարգելման, վերահսկման, բուժման այլ համալիր միջոցառումների» իրականացման ծրագրով ՀՀ կառավարությունը հատկացրել է ավելի քան 26 մլրդ ՀՀ դրամ, որն ամբողջությամբ ֆինանսավորվել է ՀՀ կառավարության պահուստային ֆոնդից:

Հիշյալ ծրագրի շրջանակում ՀՀ առողջապահության նախարարի 2020 թվականի հրամանով՝ հաստատվել է կորոնավիրուսային հիվանդության՝ «COVID-19»-ի ախտորոշման եւ բուժման դիմաց պետական բյուջեից փոխհատուցում ստացող, բժշկական օգնություն եւ սպասարկում իրականացնող բժշկական կազմակերպությունների ցանկը, որում ներառվել է նաեւ «Մեդլայն Կլինիկ» ՍՊ ընկերությունը: ՔՊ-ական պատգամավոր Արսեն Թորոսյանը հաճախ թիրախավորում է ուժայիններին՝ դատախազությանն ու քննչականին՝ մեղադրելով շոուներ կազմակերպելու համար»:

● Ըստ ոստիկանության տվյալների՝ ապրիլի 15-ից 16-ը ՀՀ ՆԳՆ ոստիկանության ստորաբաժանումների կողմից բացահայտվել է հանցագործության 107 դեպք, որից 5-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ԲԵՐԳՔ ԲԱՐՎԱԳՐՈՒՄ 2 ԲԱՆԿՈՄԱՏ ԵՆ ԹԱԼԱՆԵԼ

Ապրիլի լույս 15-ի գիշերը Բերգք թափառող Կենտրոնական՝ Մաշտոցի փողոցում գործող են 2 բանկոմատների պարունակությունը: Բերգքի բնակիչների ասելով՝ բանկոմատներից մեկում եղել է 900 հազար դրամ:

ԳՈՐԾԸ ԿԱՐՃՎԵԼ Է

Բերգ համայնքի նախկին ղեկավար Հարություն Մանուչարյանին մեղադրանք է առաջադրվել այն բանի համար, որ Նա, Տավուշի մարզի առաջին աստանի ընդհանուր իրավասության դատարանում քննվող քրեական գործով ունենալով ամբաստանյալի դատավարական կարգավիճակ, 2022թ. մարտի 4-ին՝ ժամը 09:55-ի սահմաններում, իր նկատմամբ կիրառված խափանման միջոց կալանավորումը փոխելու և որպես խափանման միջոց անձնական երաշխավորությամբ փոխարինելու վերաբերյալ միջնորդությունը քննության առնելու մասին որոշումը նախազահող դատավոր Սամվել Մարդասյանի կողմից հրապարակելուց՝ այն է՝ միջնորդությունը մերժելուց հետո, իր պաշտոնական լիազորությունների իրականացման առնչությամբ դատավորին վերաբերյալ միջնորդությունը նրա հասցեին հնչեցրել է վիրավորական արտահայտություն, այդ կերպ անհարգալից վերաբերմունք դրսևորել դատարանի նկատմամբ: Մարգիս Մարգարյանին և Արկաղի Յամուկյանին մեղադրանք է առաջադրվել այն բանի համար, որ նրանք 2022թ. մարտի 4-ին՝ ժամը 09:55-ի սահմաններում, Տավուշի մարզի առաջին աստանի ընդհանուր իրավասության դատարանի հջեանի նստավայրում քննվող քրեական գործով Հ. Մանուչարյանի նկատմամբ կիրառված խափանման միջոց կալանավորումը անձնական երաշխավորությամբ փոխարինելու վերաբերյալ միջնորդությունը նախազահող դատավոր Ս. Մարդասյանի կողմից մերժվելուց հետո իր պաշտոնական լիազորությունների իրականացման առնչությամբ դատավոր Ս. Մարդասյանին վիրավորելու նպատակով նրա հասցեին հնչեցրել են սեռական բնույթի հայհույանքներ այդ կերպ անհարգալից վերաբերմունք դրսևորել դատարանի նկատմամբ: Ս. Մարգարյանը նախկինում Բերգ համայնքի ավագանու անդամ էր, այժմ Պաշտպանության գյուղի վարչական ղեկավարն է, Ա. Յամուկյանը՝ Այգեպարի վարչական ղեկավարը: 2024թ. մարտի 12-ի դատական նիստում դատավոր Սերժ Ռուչանյանը որոշել է Հ. Մանուչարյանի, Ս. Մարգարյանի, Ա. Յամուկյանի նկատմամբ 2023թ. ապրիլի 18-ին ընդունված ՀՀ քրեական օրենսգրքի 343-րդ հոդվածի 3-րդ մասով հարուցված քրեական հետապնդումը դադարեցնել և գործի վարույթը կարճել՝ քրեական պատասխանատվության ենթարկելու վաղեմության ժամկետն անցնելու հիմքով, նրանց նկատմամբ ընտրված ստորագրություն չհեռանալու մասին խափանման միջոցը վերացնել: Դատարանի որոշումը մտել է օրինական ուժի մեջ:

ՈՍՎԻՍ ՍՈՐՊՈՒՅԱՆ Տավուշ

ՈՒՂԵՐԶ

ԱՐՎԱԾ ԳՈՐԾԵՐԻ ԿՈՂՔԻՆ՝ ՆՈՐ ԱՆԵԼԻՔՆԵՐ

«Ոստիկանությունը միշտ բաղադրամասն է իրավունքների պաշտպանության, հասարակական կարգի ապահովման և հանցավորության դեմ պայքարի առաջնագծում է»:

Այս մասին երեկ հայտարարել է Հայաստանի Հանրապետության ներքին գործերի նախարար Վահե Ղազարյանը՝ Ոստիկանության օրվա առթիվ տարածած իր ուղերձում: «Պետության դիմագծի՝ ներքին գործերի նախարարությանն առնչվող պատասխանատու ծավալում միանշանակ կարող ենք արձանագրել էական բարեփոխումներ: Եվ սա միայն մեր գնահատականը չէ. սա հանրության անկախ կարծիքի, միջազգային գործընկերների փորձագիտական կարծիքի վրա հիմնված մոտեցում է: Սա ՀՀ Վարչապետի, Կառավարության բարձր հովանու, միջազգային գործընկերների կայուն աջակցության, ամենօրյա սերտ համագործակցության, հանրության վստահության, ինչպես նաև բարեփոխումների իրականացման հարցում ներքին գործերի նախարարության կամքի, վճռականության և ամենօրյա սրտացավ աշխատանքի արդյունքն է: Նախարարությունում այսօր ծավալում բարեփոխումներ են իրականացվում: Նպատակը ժամանակակից մարտահրավերներին դիմակայող, մասնագիտացված, տեխնիկայեռ հագեցած և բարեկարգ ոստիկանության ձևավորումն է: Նպատակը ծառայում է հանուն մարդու իրավունքների բարձր պաշտպանության, հանուն հանրային անվտանգության, հանուն Հայաստանում ժողովրդավարական հասարակարգի ինստիտուտների գարգացվածության ավելի բարձր նշանոթի: Պարեկային ծառայության ստեղծումը այդ նպատակին հասնելու առաջին քայլն էր, որի շրջանակներում ոստիկանության փորձառու ծառայողները և քաղաքացիական անձինք համախմբվել են՝ նոր որակով ապահովելու ծառայությունը օրենքին, իրավակարգին և մեր հանրությանը: Այսօր արդեն ծառայությունը գործում է ամբողջ հանրապետությունում: Խորհրդանշական այս օրն ավարտվել է նաև Ոստիկանության հենասյունային ուղղություններից մյուսի՝ Քրեական ոստիկանության ձեավորման համար անցկացվող ընդունելության փուլերից վերջինը՝ հարցազրույցների փուլը, որի արդյունքներով քաղաքացիական անձինք, այդ թվում՝ կանայք, գործող ոստիկանները կստանան նոր որակի կրթություն, և դրա արդյունքներով միայն կնշանակվեն համապատասխան պաշտոնների: Զուգահեռաբար նախապատրաստական աշխատանքներ են տարվում ոստիկանության հենասյունային ուղղություններից Համայնքային ոստիկանության և Ոստիկանության գվարդիայի ձեավորման ուղղությամբ, որի արդյունքները երկար սպասեցնել չեն



տա: Կառավարությունը ջանք չի խնայել նաև ոստիկանության համակարգի օտնալակային երաշխիքների բարելավման ուղղությամբ: Արդեն իսկ գործում է առեստավորման համակարգը, որը մի կողմից բարձրացնում է աշխատողի սոցիալական երաշխիքը, կրկնապատկում աշխատավարձը, մյուս կողմից համակարգը տանում է ինքնաճանաչման ճանապարհով, վեր հանում գիտելիքի, հմտության առկա բացերը, բարեկարգության հնարավոր խնդիրները: Ջանք չենք խնայում և չենք խնայելու նաև համակարգում կանանց ավելի մեծ ներկայացվածության համար, քանի որ կանանց ներկայությունն ապահովում է աշխատանքում նոր որակ, կարգապահության նոր մակարդակ, խնդիրների լուծման նոր մոտեցում: Հարգելի՜ ծառայողներ, ինչ խոսք, քայլերի այս շարքը կարելի է շարունակել, բայց պահպանելով զգոնությունը, չկորցնելով դրական փոփոխությունների համատեքստում մեր վերջնական նպատակին հասնելու ճանապարհը՝ ինքներս մեզ համար արձանագրում ենք, որ արված գործերի կողքին դեռևս շատ անելիքներ, անընդհատ կատարելագործվելու կարիք ունենք, և այդ ուղղությամբ ամենօրյա ռեժիմով գործողություններ են իրականացվում: Եվ մեկ անգամ ցանկանում եմ վերախառնատել, որ անհանդուրժող ենք լինելու համակարգում կոռուպցիոն որել է դրսևորման, ինչպես նաև ցանկացած տեսակի բռնության հանդեպ:

ԱՆՆԱ ՍՈՐՊՈՒՅԱՆ

ՇԻՆԱՇԽԱՏԱՆՔՆԵՐԻ ԵՆ ՊԱՏՈՎԱՍՏՎՈՒՄ

ԱՅՍՕՐ ԿՊԱՅԹԵՑՎԻ ՊՆ ՆԱԽԿԻՆ ԸՆԵՔԸ

Երեկ՝ առավոտից, մամուլում լուրեր էին սարածվում, որ Երևան-Անարակ ճանապարհին գտնվող ոստիկանության նախարարության նախնի շինված և սեփական ժամանակ է բանդան ախասանցներ են իրականացվում:

ArmLur.am-ը տեղեկացավ, որ դրանք նախապատրաստական աշխատանքներ են, և որ այսօր՝ առավոտյան ժամը 11-ին, պաշտպանության նախարարության նախկին շենքը պայթեցվելու է:

Մինչ այս հայտնի էր, որ նախորդ տարի շենքի բնակիչներին վտարելուց և տարածքը ՊԵԿ-ին փոխանցելուց հետո, կառավարությունը նշված հատվածում լայնամասշտաբ շինարարական աշխատանքներ է պատրաստվում իրականացնել:

ArmLur.am-ը տեղեկացավ, որ իշխանության տեղափոխումների ծրագրում է նաև ՊԵԿ-ը և նրան ենթակա բոլոր կառույցները տեղափոխել այդ տարածքում ապագայում կառուցվելիք շինություն: ՀՄՄԱ ՄԻՔԱՅՆԵԼԱՆ

● Անցած 1 օրվա ընթացքում հանրապետությունում արձանագրվել է ճանապարհատրանսպորտային 4 պատահար. 1 մարդ զոհվել է, 8-ը՝ ստացել տարբեր աստիճանի մարմնական վնասվածքներ:

ՄՆԱԿՈՒՅԹ

ԶԱՐԼԻ ԶԱՊԼԻՆ

ՀՈՒՄՈՐԻ ՀՄԿԱՆ, ՈՐԸ ՓՈԽԵԼ Է ԱՇԽԱՐՀԸ

Անգլիացի հայտնի կինոդերասան, կասկեթու, սցենարիստ, երգահան և ռեժիսոր, բախտաշրջիկ Չարլի Չապլինի կերպարի ստեղծող Չարլզ Մոլենսեր Չապլինը ծնվել է 1889 թվականի ապրիլի 16-ին:

Դժվար պայմաններում մեծացած դերասանը, ով 75 տարի մասնագիտական գործունեություն է ծավալել, վաղ տարիքից դերեր է ստանձնել և բեմ բարձրացել այն բանից հետո, երբ իր 14 տարեկանում մորը տեղափոխել են հոգեբուժարան:

19 տարեկանում տեղափոխվում է ԱՄՆ և առաջին քայլերն անում «Քիստոուն» Ստուդիայի հետ՝ նկարահանվելով «Կեցություն ստեղծելով» ֆիլմում: Չապլինն ինքն է գրել, խմբագրել, խաղացել և հանդես եկել որպես ռեժիսոր, պրոդյուսեր, երգահան՝ իր ֆիլմերից շատերի համար:

1914 թվականին Չիկագոյի ֆիլմարտադրող «Էստենյ» ընկերությունը Չապլինին համագործակցության առաջարկ է անում շաբաթական 1250 դոլար վարձատրությամբ, որից բացի պիտի ստանար նաև 10 հազար դոլար ամսական հավելավճար: Ստուդիայում Չապլինը իր դերասանական թիմն է հավաքում և ակտիվ գործունեություն սկսում, որին հաջորդում է «Մյուջուալի» հետ պայմանագիրը՝ տարեկան 670 հազար դոլար արժողությամբ: Հաջորդը First National-ի հետ համագործակցությունն էր, որի հետ պայմանագրի ավարտից հետո Չապլինը նկարահանում է իր առաջին անկախ կինոնկարը՝ «Փարիզուհին»:

1952 թվականին Չապլինը վերադառնում է Լոնդոն, որտեղ պիտի ներկայացներ իր կյանքի մասին պատմող «Բեմի լույսերը» ֆիլմը, և նրան թույլ չեն տալիս վերադառնալ Միացյալ Նահանգներ: Հակառակ նրան, որ նա կարող էր դիմել և վերականգնել մուտքի թույլտվությունը, նա խզում է ԱՄՆ-ի հետ իր բոլոր կապերը:

Չապլինը մահանում է 1977 թվականին իր տանը: Նեղ շրջանակով կայացած թաղման արարողությանը դերասան Բոր Հոուլդը նշել է. «Մենք բախտավոր էինք,



որ նրա ժամանակաշրջանում էինք ապրում»:

Չապլինին նվիրված հուշարձաններ կան Միացյալ թագավորությունում, Այովակայում, Լեհաստանում, Իռլանդիայում, Յուգոսլավիայում, Իտալիայում, Իսպանիայում և Շվեյցարիայում:

Չապլինի մասնագիտական և ոլորտային գործունեությունը շարունակել են նրա ընտանիքի անդամներից շատերը, սակայն ամենահայտնիներից է թոռնուհին՝ դերասանուհի Ունա Չապլինը, ով Չապլինի դստեր՝ դերասանուհի Զերալինի Չապլինի և կինեմատոգրաֆիստ Պատրիսիո Կաստիլիայի դուստրն է, ինչպես նաև Գրականության Նոբելյան մրցանակ

կի դափնեկիր Յուջին ՕՆիլի (Չապլինի աներիոր) ծոռնուհին:

Դերասանուհուն Ունա են անվանել ի պատիվ տատիկի՝ Չարլի Չապլինի վերջին կնոջ: Դերասանուհին, որը ծնվել է մեծացել է Մադրիդում, ավարտել Թատերարվեստի թագավորական ակադեմիան ու մասնագիտական գործունեությունը սկսել «Ուրվականներ» սերիալում խաղացած էպիզոդիկ դերով, ապա խաղացել «Գահերի խաղ» սերիալում, որում իր մարմնավորած դերի համար առաջադրվել է «ԱՄՆ կինոդերասանների գիլդիա» մրցանակաբաշխության «Լավագույն դերասանական կազմ դրամատիկական սերիալում» անվանակարգում:

ՀՈՐԻ ԲՆԴՊԱՍՏՈՅԱԼ

ՄԱՐԶԱԿԱՆ

ԹԻՄԸ ՀԱՅՏՆԻ Է

ԱՄՆ բասկետբոլի հավաքականի վերջնական կազմը, որով թիմը կմասնակցի Փարիզի 33-րդ ամառային Օլիմպիական խաղերին, հայտնի է:

Ըստ ամերիկյան պարբերականների՝ թիմում կլինեն Լեբրոն Ջեյմսը, Քեյն Դյուրանտը, Ստեֆան Բարին, Ջոել Էմբիդը, Ջեյսոն Տատումը, Դեյվին Բուկերը, Ջերոմ Յոլիդեյը, Էնտոնի Դեյվիսը, Բամ Ադեբայոն, Էնտոնի Էդվարդսը, Թայլիզ Յալիբորթոն:

Բասկետբոլիստ Լեբրոն Ջեյմսը ԱՄՆ օլիմպիական հավաքականի կազմում հանդես է գալիս 2012 թվականից, իսկ Ստեֆան Բարին երբեք հանդես չի եկել օլիմպիական ընտրանու կազմում: ԱՄՆ բասկետբոլի թիմը Օլիմպիական խաղերի 16-ակի հաղթող է:

Փարիզի Օլիմպիական խաղերում բասկետբոլի մրցաշարը կմեկնարկի հուլիսի 27-ին և կեզրափակվի օգոստոսի 11-ին:

ՈՒՆԵՆ ՆՈՐ ՄԱՐԶԻՉՆԵՐ

Հայաստանի բասկետբոլի տարբեր տարիքային հավաքականներում տեղի են ունեցել մարզչական նշանակումներ:

2024 թվականի ամռանը կայանալիք Եվրոպայի C դիվիզիոնի առաջնությունում կանանց՝ Հայաստանի մինչև 16 տարեկանների հավաքականը կգլխավորի Ալբերտ Զարոբյուկյանը: Հարությունյանի գլխավորությամբ «Հատիսը» դարձել է Հայաստանի կանանց առաջնության 2023/2024 մրցաշրջանի փոխչեմպիոն: Կանանց Մ16 տարեկանների հավաքականը ընդգրկվել է A ենթախմբում, որտեղ կմրցի Կրաստանի, Ադրբեջանի և Կիպրոսի հավաքականների հետ: Հանդիպումները կկայանան 2024 թվականի հուլիսի 9-ից 14-ը Ջիբրալթարում:

Իսկ կանանց՝ Հայաստանի մինչև 18 տարեկանների հավաքականի գլխավոր մարզչի պաշտոնում է նշանակվել Հայաստանի հավաքականի նախկին խաղացող Արտյոմ Թավակալյանը: Նրա գլխավորությամբ «Ֆոքսիսը» նվաճել է կանանց Հայաստանի 2023/24 մրցաշրջանի չեմպիոնի տիտղոսը: Կանանց Մ18 տարեկանների հավաքականն ընդգրկված է C դիվիզիոնի B ենթախմբում, որտեղ կմրցի Ալբանիայի, Կրաստանի և Ադրբեջանի թիմերի հետ: Հանդիպումները տեղի կունենան հուլիսի 23-ից 28-ը Կոսովոյի Պրիշտինա քաղաքում:

ԵԶՐԱՓԱԿԻՉ

Հայաստանի ֆուտբոլի գավաթի խաղարկության եզրափակիչի օրը հայտնի է:

Այս մասին հայտնում է Հայաստանի ֆուտբոլի ֆեդերացիան: Հայաստանի գավաթի խաղարկության եզրափակիչ էին դուրս եկել «Արարատ-Արմենիա» և «Ուրարտու» ակումբները՝ կիսաեզրափակիչներում համապատասխանաբար հաղթելով «Փյունիկ»-ին և «Շիրակ»-ին:

«Արարատ-Արմենիա»-«Ուրարտու» եզրափակիչ հանդիպումը կկայանա մայիսի 12-ին Երեւանի Վազգեն Սարգսյանի անվան «Հանրապետական» մարզադաշտում:

«ԵՐԵՎԱՆՅԱՆ ՀԵՌԱՆԿԱՐՆԵՐ 25»


ԷՆԻՈ ՄՈՐԻԿՈՆԵԻ ՍՏԵՂԾԱԳՈՐԾՈՒԹՅՈՒՆՆԵՐԸ

Կարեն Գեմիթյանի անվան մարզահամերգային համալիրում մայիսի 26-ին «Երեւանյան հեռանկարներ» 25-րդ միջազգային երաժշտական փառատոնի հանդիսատեսը հնարավորություն կունենա վայելելու մշակութային սահմանները ճեղհող անմոռանալի համերգ:

Առաջին անգամ Հայաստանում #MoricconeConductsMorricone խորագրի ներքո կինչեն լեգենդար օսկարակիր կոմպոզիտոր Էնիո Մորիկոնեի խորհրդանշական ստեղծագործությունները:

Մորիկոնեի հավերժական մեղեդիներն ու գրավիչ մշակումները կինչեն Roma Sinfonietta նվագախմբի կատարմամբ և կոմպոզիտորի որդու՝ Անդրեա Մորիկոնեի ղեկավարությամբ: Բացառիկ ու շքեղ երեկոյին միանալու է նաև Հայաստանի ազգային ակադեմիական երգչախումբը՝ մատուրո Հովհաննես Չեքիջյանի ղեկավարությամբ:

Գրեթե վեց տասնամյակի հարուստ պատմություն ունեցող երգչախումբը մի-



ջազգային ճանաչում է ստացել Կոմիտասի, հայ դասական կոմպոզիտորների և

համաշխարհային վարպետների ստեղծագործությունների ակթերի կատարմամբ: Հովհաննես Չեքիջյանի ղեկավարությամբ երգչախումբը հասել է կատարողական բարձր մակարդակի, արժանացել հեղինակավոր տիտղոսների և բազում մրցանակների: Երգչախմբի երգացանկը մշտապես գերել է հանդիսատեսին ամբողջ աշխարհում և արժանացել է գովասանքի այնպիսի հեղինակավոր պարբերականների կողմից, ինչպիսիք են Le Figaro, The New York Times, The Boston Globe, Le Monde, The Independent, Paris Match, Meridional, Los Angeles Times, Macedonia, Le Soir, La revue du Liban, Le provençal:

Roma Sinfonietta նվագախմբի և Հայաստանի ազգային ակադեմիական երգչախմբի միջև այս պատմական մշակութային համագործակցությունը խոստանում է համերգը վերածել անզուգական երաժշտական իրադարձության՝ հանրաճանաչ կոմպոզիտորի ստեղծագործությունները հանդիսատեսին ներկայացնելով գեղարվեստական նորարարությամբ ու հետաքրքիր լուծումներով:

● Ապրիլի 19-ին՝ ժամը 15:00-ին, Պատանի հանդիսատեսի թատրոնում տեղի կունենա «Խենթը» ներկայացումը՝ ըստ Րաֆֆու համանուն վեպի: Տոմսերի արժեքը՝ 1000-3000 դրամ:



ՍՈՑԻԱԼԱԿԱՆ

ՀԱՐՑ. Խնդրում եմ ասել՝ ինչպես է աշխատող կանանց սրամադրվում հղիության և ծննդաբերության արձակուրդ:
Մետաքսյա Մարգարյան (25 տարեկան)



ՊԱՏԱՍԽԱՆ. Դիմողի հարցին ի պատասխան՝ տեղեկացնում ենք, որ աշխատող կանանց տրամադրվում է հղիության և ծննդաբերության արձակուրդ՝ 140 օր (70 օր՝ հղիության, 70 օր՝ ծննդաբերության), 155 օր (70 օր՝ հղիության, 85 օր՝ ծննդաբերության)՝ բարդ ծննդաբերության, 180 օր (70 օր՝ հղիության, 110 օր՝ ծննդաբերության)՝ միաժամանակ մեկից ավելի երեխաներ ունենալու դեպքում:

Այդ արձակուրդը հաշվարկվում է միասին և կնոջը տրամադրվում է ամբողջությամբ: Ժամանակից շուտ ծննդաբերելու դեպքում հղիության արձակուրդի չօգտագործված օրերը գումարվում են ծննդաբերության արձակուրդի օրերին: Նորածին որդեգրած կամ նորածնի խնամակալ նշանակված աշխատողին տրամադրվում է արձակուրդ որդեգրելու կամ խնամակալ նշանակվելու օրվանից մինչև նորածնի 70 օրական (երկու և ավելի նորածին որդեգրելու կամ երկու և ավելի նորածնի խնամակալ նշանակվելու դեպքում՝ մինչև նորածինների 110 օրական) դառնալը:

Փոխնակ մոր միջոցով երեխա ունեցած աշխատողին (երեխայի կենսաբանական մորը) տրամադրվում է արձակուրդ երեխայի ծնվելու օրվանից մինչև նորածնի 70 օրական (երկու և ավելի նորածնի երեխա ծնվելու դեպքում՝ մինչև նորածինների 110 օրական) դառնալը:

ՀՀ աշխատակազմի և սոցիալական հարցերի նախարարություն

«ԺՈՂՎՈՒՐԳ». Հայտնում ենք, որ ամենամյա արձակուրդը չօգտագործելու համար դրամական հատուցումը վճարվում է աշխատանքային պայմանագիրը լուծելիս: Հատուցման չափը որոշվում է տվյալ ժամանակահատվածի համար տրամադրման ենթակա ամենամյա արձակուրդի չօգտագործված օրերի քանակով: Եթե աշխատողին ամենամյա արձակուրդը չի տրամադրվել մեկ տարուց ավելի ժամանակահատվածով, ապա հատուցումը վճարվում է չօգտագործված բոլոր արձակուրդների համար:

ԿԱՐԳ

ՀԱՐՑ. Խնդրում եմ ասել՝ կարող են արդյոք դեռուքյան կամ համայնքային սեփականություն հանդիսացող հողամասերը սրամադրվել կառուցադասման իրավունքով: Եվ ուզում եմ խմանալ, թե ինչպես կարող է սնօրինվել հողամասի կառուցադասման իրավունքը:
Հունան Մուրադյան (52 տարեկան)



ՊԱՏԱՍԽԱՆ. Քաղաքացու հարցին ի պատասխան՝ հայտնում ենք, որ պետական կամ համայնքային սեփականություն հանդիսացող հողերը կառուցապատման իրավունքով տրամադրվում են միայն Հայաստանի Հանրապետության հողային օրենսգրքի 60-րդ հոդվածով սահմանված հողամասերից: Կառուցապատման իրավունք ունեցող անձը կարող է այդ իրավունքը տնօրինել՝ փոխանցել այլ անձի, ազատորեն օտարել, գրավ դնել այն, ինչպես նաև կատարել այլ գործարքներ կառուցապատման իրավունքի նկատմամբ: (Հայաստանի Հանրապետության քաղաքացիական օրենսգրքի 2041-րդ հոդված):

Կարաստրի կոմիտե

«ԺՈՂՎՈՒՐԳ». Կառուցապատման իրավունքը անձի իրավունքն է այլ անձի պատկանող հողամասում քաղաքաշինական նորմերի ու կանոնների, ինչպես նաև հողամասի նշանակության վերաբերյալ պահանջների պահպանմամբ, սահմանված կարգով կառուցել շենքեր և շինություններ, դրանք վերակառուցել կամ քանդել և կառուցապատման իրավունքի գործողության ժամկետի ընթացքում տիրապետել և օգտագործել այդ գույքը:

ԼՈՒՐ ԿԱԴՐ

Լուսանկարը՝ համացանցից



Երեւանի Պուշկին 62 հասցեում երեկ՝ ապրիլի 16-ին, պաշտոնապես բացվեց Երվանդ Քոչարի «Ընդվզում» ստեղծագործության մուրալը: Այն նվիրված է մեծանուն նկարչի 125-ամյակին:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել



«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), և մենք անպայման կանդրադարձնանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը և ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային ես/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



Շիրակ	+4 +5 +15 +20	Արարատ	+10 +12 +25 +27
Կոտայքի լեռներ	+2 +5 +15 +19	Արմավիր	+8 +10 +25 +27
Կոտայքի նախալեռներ	+8 +10 +20 +22	Վայոց ձորի լեռներ	+2 +4 +15 +19
Գեղարքունիք	+2 +5 +15 +18	Վայոց ձորի նախալեռներ	+10 +13 +24 +27
Լոռի	+5 +7 +22 +25	Սյունիքի հովիտներ	+8 +11 +24 +26
Տավուշ	+7 +10 +23 +26	Սյունիքի նախալեռներ	+4 +8 +18 +21
Արագածոտնի լեռներ	+2 +5 +14 +18	ԼՂՀ	+2 +7 +17 +20
Արագածոտնի նախալեռներ	+7 +9 +19 +23	Երեւան	+13 +15 +20 +22

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22^ա/3, հեռ.՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 16.4.2024

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում
խմբագրություն հանձնված նյութերը չեն գրայնաչափում և չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: